

# 庶物類纂

草屬  
自七十二至七十五

容

太政官文庫			
和	特	三	一
書	別	三	二
門	類	六	二
		二	二
		五	十
		五	十
		五	十
冊	架	函	號
四	六	五	冊

內閣文庫	
番號	和 32362
冊數	465 ( 25 )
函號	特 54 1

五十七内

共卅




Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







庶物類纂草屬卷之七十二目次

京三稜


草三稜

磚子苗

庶物類纂

卷七十二

草屬目次



京三稜

俗名姑已養革賴  
州山城

京三稜

京三稜味苦平無毒主老癖癥瘕結塊俗傳昔人患  
 癥癖死遺言令開腹取之得病塊乾硬如石文理有  
 五色人謂異物竊取削成刀柄後因以刀刈三稜柄  
 消成水乃知此可療癥癖也黃色體重狀若鯽魚而  
 小又有黑三稜狀似烏梅而稍大有鬚相連蔓延體  
 輕為療體並同今附○嘉祐補註本草

草三稜根味甘平溫無毒療產後惡血通月水血結  
 墮胎破積聚癥瘕止痛利氣一名雞爪三稜生蜀地

二月八月採今附○  
同上

京三稜舊不著所出地土今河陝江淮荆襄間皆有之春生苗高三四尺似芟蒲葉皆三稜五六月開花似莎草黃紫色霜降後採根削去皮鬚黃色微苦似如小鯽魚狀體重者佳多生淺水傍或陂澤中其根初生成塊如附子大或有扁者傍生一根又成塊亦出苗其不出苗只生細根者謂之雞爪三稜又不生細根者謂之黑三稜大小不常其色黑去皮即白河中府又有石三稜根黃白色形如釵股葉綠色如蒲

苗高及尺葉上亦有三稜四月開花白色如紅蓼花五月採根亦消積氣下品別有草三稜條云生蜀地即雞爪三稜也其實一類故附見於此一說三稜生荆楚字當作荆以著其地本經作京非也今世都不復有三稜所用皆淮南紅蒲根也泰州尤多舉世皆用之雖大醫不以爲謬蓋流習既久用根者不識其苗採藥者莫究其用因緣差失不復更辯今三稜荆湘江淮水澤之間皆有葉似莎草極長莖三稜如削大如人指高五六尺莖端開花大體皆如莎草而大

生水際及淺水中，苗下即魁，其傍有根橫貫，一根則連數魁，魁上發苗，採時斷其苗及橫根，形扁長如鯽魚者，三稜也。根末將盡，一魁未發苗，小圓如烏梅者，黑三稜也。又根之端鈎屈如爪者，為雞爪三稜，皆皮黑肌白而至輕。三者本一物，但力有剛柔，各適其用。因其形為名，如烏頭、烏喙、雲母、雲華之類，本非兩物也。今人乃妄以鳧茨、香附子為之。又本草謂京三稜形如鯽魚，黑三稜如烏梅而輕。今紅蒲根至，堅重刻削而成，莫知形體。又葉扁莖圓，不復有三稜處，不知

何緣名三稜也。今三稜皆獨傍引二根，無直下根，其形大體多，亦如鯽魚。本草圖經

謹按救荒本草載黑三稜，其所說則篩草形狀也。與圖經不同，見于篩草條。

陳藏器云：本經無傳三稜，總有三四種，但取根似烏梅，有鬚相連，蔓如緹，作漆色。蜀人織為器，一名琴者，是也。宋唐慎微證類本草

三稜多生荒廢陂池溼地，春時叢生，夏秋抽高莖，莖端復生數葉，開花六七枝，花皆細碎成穗，黃紫色，中

有細子其葉莖花實俱有三稜並與香附苗葉花實  
一樣但長大爾其莖光滑三稜如椶之葉莖莖中有  
白穰剖之織物柔韌如藤呂忱字林云琴草生水  
中根可緣器即此草莖非根也抱朴子言琴根化鱗亦  
是此草其根多黃黑鬚削去鬚皮乃如鯽狀非本根  
似鯽也

明李東璧  
本草綱目

江氏云今所用三稜皆淮南之紅蒲根也秦州尤多  
其體圓堅重亦有扁者不復有三稜不知何緣命名  
為三稜也雖御院醫亦不辨識流習既久舛訛極矣

細辨之其根形扁長多黃黑鬚削去鬚皮乃如鯽狀  
而有稜者是也

明倪朱謨  
本草彙言

唐河東裴同父患腹痛數年不可忍囑其子曰吾死  
後必出吾病子從之出得一物大如鹿條脯懸之久  
乾有容竊之其堅如骨削之文彩煥發遂以為刀櫛  
子佩之在路放馬抽刀子割三稜草坐其上櫛盡消  
成水客恠之回以問同同泣具言之後病狀同者服  
三稜草汁多驗

出朝野僉載  
太平廣記

唐河東裴同父患腹痛不可忍臨終語其子曰吾死



可剖腹視之同從命得一物如鹿脯條懸之乾久如骨一容竊而削之文彩煥發遂以為刀欄子一日割三稜草飼馬其欄悉消為水歸以問同具言其故今腹病者服三稜草多愈此與藍汁治噎蟲同也明謝肇淛

五雜組

荆三稜穀日舊不注所產土地今荆襄江淮濟南河陝皆有之多生淺水旬或荒廢陂池溼地間春時叢生夏秋抽莖莖端復出數葉開花六七枝色黃紫作穗細碎中有子如粟莖葉花實俱有三稜竝與莎草

一樣但長大耳其莖光滑中有白穰剖之織物柔韌如藤苗下有魁初生成塊如附子亦有扁形者從旬橫貫一根復連數魁魁上亦出苗葉其魁皆扁長鬚皮黃褐削去鬚皮宛如鯽狀體重者荆三稜圓小如梅者黑三稜鈎曲如爪者雞爪三稜因狀賦名各適其用本非兩物方書又有石三稜與荆三稜雞爪三稜同用治疥癬氣塊者是宜同中有異未可定為因狀賦名也石三稜詳綱目集解中○清劉若金本草述謹按三稜生淺水中自採視之一如圖經所說其有諸名者皆因狀賦名也復何容疑

荆三稜生荆楚地故名荆三稜真者絕少今世所用皆草三稜也醋炒用之

清張璐本  
經逢原

琴草荆三稜莖也其莖光澤三稜如椶葉莖莖中有白穰剖之織物韌如藤呂忱字林云琴草生水中根可緣器不知卽三稜莖非根也舊註沿呂說誤又抱朴子云琴根似鱣亦誤蓋根多黃黑鬚削去鬚皮乃如鯽狀非本根似鱣也

清廖文英  
正字通

草三稜

一名雞爪三稜

嘉祐補  
註本草

俗名革養紫里忽索

草三稜

草三稜根味甘平温無毒療產後惡血通月水血結  
墮胎破積聚癥瘕止痛利氣一名雞爪三稜生蜀地  
二月八月採今附○嘉祐補註本草



磚子苗

一名關子苗  
農政全書



磚子苗

磚子苗一名關子苗生水邊苗似水蔥而麤大內實  
又似蒲葶稍開碎白花結穗似水莎草穗紫赤色其  
子如黍粒大根似蒲根而堅實味甜子味亦甜救飢  
採子磨麪食及採根擇洗淨換水煮食或曬乾磨為  
麪食亦可

明徐光啓  
農政全書

庶物類纂草屬卷之七十三目次

龍鬚草

燈心草

蓆草

蕒

水蔥草

龍鬚草

一名石龍蕒神農本草 一名草續斷同上 一名龍珠同上  
 上同 一名龍華名醫別錄 一名懸莞同上 一名草毒同上  
 一名龍木廣雅 一名方賓嘉祐補註本草 一名縉雲草  
中華古 一名龍芻述異記 一名龍茲楊升菴文集  
 一名公明草同上 一名蓆草虎丘山志

本草綱目卷之十三

龍鬚草

石龍藷陶隱居云莖青細相連實赤今出近道水石處似東陽龍鬚以作席者但多節爾唐本注云別錄云一名方賓主療虻蟲及不消食爾今按別本註云別錄云微温今之服用能除熱蓋不温也臣禹錫等謹按蜀本圖經云莖如縋叢生俗名龍鬚草今人以爲席者所在有之八月九月採根暴乾陳藏器云按龍鬚作席彌敗有垢者取方尺煮汁服之主淋及小便卒不通今出汾州亦處處有之

嘉祐補註本草



龍鬚叢生狀如稷心草及鳧苳苗直上夏月莖端開  
小穗花結細實並無枝葉今吳人多栽時織席他處  
自生者不多也本經明言龍芻一名龍鬚而陶弘景  
言龍芻似龍鬚但多節似以為一物者非矣

明李東璧本草

綱目

孫興公問曰世稱黃帝鍊丹於鑿硯山乃得仙乘龍  
上天羣臣援龍鬚鬚墜而生草曰龍鬚有之乎答曰  
無也有龍鬚草一名縉雲草故世人為之妄傳至如  
今有虎鬚草江東亦織以為席號曰西王母席可復

是西王母乘虎而墮其鬚也 晉崔豹中華古今註

東海島龍駒川穆天子養八駿處島中有草名龍芻

馬食之日行千里古語一株龍芻化為龍駒 出述異記○大

平廣記

諸侯疾稱負茲茲草也猶言負薪言有疾不能負草  
也又云布茲注云茲蓐席也然則負茲者蓋言有病  
而坐蓐伏簣也予觀荀子正論篇云琅玕龍茲華瑾  
以為實注龍茲即今之龍須席或曰茲與髭同徐廣  
曰茲者藉席之名列女傳琅玕龍疏疑龍疏即龍茲

隋書煬帝欲誇示諸蕃酋長以中國之華盛賣菜者亦藉以龍須席注龍須草織成席也淮上安慶府居人多能織龍須席史記索隱茲公明草也龍須草又有此名亦奇明楊升菴文集

龍鬚草可為席出虎丘寺虎鬚草可為燈炷出金華府春草巖同上吳錄地理志長山在金華昔仙人採藥處山南有春草岩折竹岩岩間不生蔓草盡出龍鬚相傳赤松子羽化處又有似龍鬚而麤大者名虎鬚草不中為席

但以其穰為燈炷明陳仁錫潛確居類書

石龍藟叢生俗名龍鬚草今人以為席者八閩通志

石龍叢生俗名龍鬚草今人以為席福州府志

謹按當作石龍芻

龍鬚草編席利暑出安溪縣新康還集依仁三里泉州府志

石龍芻即燈心草俗名龍鬚草可以織席本草綱目曰割草包束曰芻此草生水石處可以割束養馬故謂龍芻述異記周穆王東海島中養八駿處有草名

龍芻 汀州府志

謹按石龍芻與燈心草二種自不同

龍鬚草出儋州織長細軟可為席 瓊州府志

龍鬚草山海經曰賈超之山草多龍鬚今廣寧懷集

有之生巖厓間似蒲而細織蓆甚佳 肇慶府志

龍鬚草簞其草出龍川縣或出廣寧懷集縣高要金

渡村業織甚精文采燦然士大夫共珍用之 同上

龍鬚舊志出儋州其草織長細軟可為席太白詩莫

捲龍鬚席從他生網絲是也 儋州志

石龍芻俗名龍鬚草可以織蓆本草綱目曰割草包

束曰芻此草生水石之處可以割束養馬故謂之龍

芻述異記周穆王東海島中養八駿處有草名龍芻

是矣 閩書

龍鬚草按舊志黃帝軒轅氏煉丹於獨峯山丹成乘

火龍上升羣臣鬼史蒞等追攀不及援龍鬚以上鬚

墮地化為草長七八尺極青翠居人採織為卧簞 儋都

誌

龍鬚草織蓆用之 衡岳志

龍鬚草舊傳出，自縉雲鼎湖軒轅黃帝升仙時乘龍而去，羣臣拔龍鬚，鬚墜化而為草。晉時織為席，歲貢御座，用今處處有之。惟蘇州虎丘為盛，種者如藝稻。織席通四方，溫州者次之。產鴈山者莖細而秀。鴈山志 蓆草環山，居民多種。此草以織蓆，其地遂名曰蓆場。四方之人皆知虎鬚蓆者，以此。虎丘山志 金華府金華洞山之南曰鶴巖，曰虎巖，曰春草巖，曰折竹巖。生龍鬚、虎鬚二草，可為燈炷。明慎蒙名山諸勝一覽記 此種勿壅，龍鬚草壅則生，蟲退色。此與燈心草皆莞

也可以為蓆。今肇慶金渡專以龍鬚草織蓆為市。清皖

桐方氏物  
理小識

石龍菊一名龍鬚，即蓆草。清張璐本  
經逢原

燈心草

一名虎鬚草本草綱目一名碧玉草同上一名蓆草

新修餘姚縣志

本草綱目卷之十三

燈心草

燈心草味甘寒無毒根及苗主五淋生煮服之生江南澤地叢生莖圓細而長直人將為席敗席煮服更良今附○嘉祐補注本草

燈心草陝西亦有蒸熟乾則折取中心穰然燈者是謂之熟草又有不蒸但生乾剥取者為生草入藥宜用生草宋寇宗奭本草衍義

燈心草此即龍鬚之類但龍鬚緊小而瓢實此草稍粗而瓢虛白吳人栽蒔之取瓢為燈炷以草織席及

本草綱目卷之十三 草屬 燈心草 二

菘他處野生者不多外丹家以之伏硫砂雷公炮炙論序云礪遇赤鬚永留金鼎注云赤鬚亦呼虎鬚草煮礪能住火不知即此虎鬚否也明李東璧本草綱目寇氏曰燈心草生江南澤地他處雖有野生但不多耳叢生圓勁與龍鬚草同類龍鬚草莖小瓢實燈心草莖肥瓢虛為別也土人選長大煮蒸熟待冷劈取白瓢為炷短細者惟堪織席用皮作菘可為雨具修治入藥取生劈者良或飲或膏或末或圓各隨方製若研末用每用生劈白瓢以米粉調煮稀薄漿糊拌

潤一時曬燥碾末入水澄去漿粉取浮起者曬乾收用拌乳香研易于細而不潤拌冰片藏分兩不耗明倪

朱謨本草彙言

燈心草一名虎鬚草一名碧玉草生江南澤地陝西亦有叢生莖圓細而長直即龍鬚之類但龍鬚緊小瓢實此草稍羸瓢虛白性甘寒無毒瀉肺治陰竅瀆不利行水除水腫癢閉降心火止血通氣止渴散腫吳人時之取瓢為炷以草織席及菘外丹家用以伏

硫砂明王蓋臣二如亭羣芳譜

製用烝熟待乾折其瓢是謂熟草可然燈不烝生剝  
為生草可入藥燈心最難研以粳米粉漿染過曬乾  
研末入水澄之浮者是燈心曬乾用上

燈草玄扈先生曰種法與蓆草同最宜肥田瘦則草  
細五月斫起曬乾以尖刀釘板橈上劃開其心可點  
燈及為燭心其皮可製雨蓆明徐光啓  
農政全書

燈心叢生澤地莖圓細而長直亦可為蓆八閩  
通志  
謹按閩書同

燈心澤地叢生莖圓細而長直可燃燈故名人以為

席福州府志

燈心草取其穰沃以油燒火則燃故名晉江有泉州府志

燈心草蓆織編密緻出晉江又有編草為之名曰大

草蓆又有龍鬚草編蓆利暑出安溪縣新康還集依

仁三里同上

燈草心白炷燈所用亦可入藥其殼編以作蓆今郊

西水田多種之松江府志

燈心草一名虎鬚草一名碧玉草心可燃燈肇慶府志

謹按重修靖江縣志云虎鬚草葉面青背紅苗從



鬚發此又一種草偶同名爾細葉石菖亦名虎鬚  
皆同名而異物也

燈心草種下溼地葉如葱管細尖而長其中瓢白剔  
出之以燃燈其草可織為席亦可入藥又治小蟲蟻  
入耳挑不出者以燈心浸油釣出蟲邵武府志

燈心亦可入藥萬曆杭州府志

燈心草本草曰即石龍菊一名龍鬚草江南澤地叢  
生苗莖圓細長直折取中心白穰用之燃燈照夜其  
莖為席漳州府志

燈心草即石龍菊一名龍鬚草本草經曰江南澤地  
叢生苗莖圓細長直折取中心白穰燃燈照夜其莖  
為席海澄縣志

謹按燈心草石龍菊二種相似而別

蓆草心曰燈心新修餘姚縣志

蓆草環山居民多種此草以織蓆其地遂名曰蓆場  
四方之人皆知虎鬚蓆者以此虎丘山圖志

虎鬚草江東人織以為蓆王穉登虎苑

燈心草志曰生江南澤地叢生莖圓細而長直人織

植物類集 卷之三十三

為席按此草產於姑蘇詢之彼中老商曰燈心草產  
陸地其瓢虛白席草出澤地其瓢實若然則自古承  
誤者多矣清劉若金  
本草述

蓆草

一名芰爾雅 一名夫玉同上 一名鹹草爾雅 一名  
苙芰拾遺 一名江離子草同上

植物類集 卷之三十三

草屬 蓆草

本草綱目卷之十三

蓆草

芰夫王爾雅○  
芰音杜

芰草生海邊似莞藺今南越人采以為蓆晉郭璞  
爾雅註

芰草一名夫王郭云芰草生海邊似莞藺今南方越

人采以為蓆宋邢昺  
爾雅疏

即鹹草也可為屨生鹵地芰音杜宋鄭夾滌  
爾雅註

陳藏器云芰芰是江離子芰字  
音吐草也似莞生海邊可

為蓆嘉祐補  
註本草

蓆草玄扈先生曰小暑後斫起以備織蓆留老根在

本草綱目卷之十三

草屬 蓆草 二

田壅培發苗至九月間鋤起擘去老根將苗去稍分栽如插稻法用河泥與糞培壅清明穀雨時復用糞或豆餅壅之即耘草立梅後不可壅若灰壅之則生蟲退色明徐光啓農政全書

蓆草高要高明人呼為芷凡水田畏潦皆種之獲利頗多坑田亦能生然草不甚茂也肇慶府志

草蓆出高要白土村彼處人呼織蓆之草為芷上下三四十里凡坑田多種芷率兩歲三刈獲利過於秠稻鬻之白土人擣軟織蓆千家砧杵之聲有如擣木

蓆之粗者為鹽包蒲帆其精者為卧簟工緻柔軟貨販海內又一種龍鬚簟其草出龍川縣或出廣寧懷集縣高要金渡村業織甚精文采燦然士大夫共珍用之同上

蓆草按爾雅芷夫王郭璞註曰芷草生海邊南越人採以為蓆想即此耳漳州府志

蓆甬東多種蓆草民以織蓆為業寧波府志

蓆草按爾雅芷夫王郭璞註曰芷草生海邊越人採以為蓆即此耳海澄縣志

魚物類集 卷七十三

蕒

一名望爾雅一名藥車同上一名鹹草興化府志一名

三筴草肇慶府志一名鹹水草同上

俗名忽古筑前州

魚物類集 卷七十三

草屬 蕒

馬牙菜集  
卷七十三

蕘

望、察、車、爾雅○  
察音繩

可以為索、長丈餘、晉郭璞  
爾雅註

望一名察、車郭云可以為索、長丈餘、宋邢昺  
爾雅疏

郭云可以為索、長丈餘、宋鄭夾滌  
爾雅註

蕘生有三稜、爾雅謂之望、江生者為淡蕘、近海者為

鹹蕘、土人採以捆屨、織席、亦可為纜、八閩  
通志

謹按、閩書同、爾雅望字不從草

蕘生有三稜、爾雅謂之望、江生者為淡蕘、近海者為

草屬  
蕘  
卷七十三

草屬 蕘

二

鹹蕒土人以為纜為席為履福州府志

蕒通志曰生有三稜爾雅謂之莖興化志曰即今之

鹹草漳州府志

蕒生有三稜爾雅謂之莖江生者為淡蕒近海者為

鹹蕒土人採以捆屨織席汀州府誌

蕒宋志云生有三稜爾雅謂之莖又曰芒彭志謂即

今之鹹草興化府志

三筴草陽江恩平近海灘田有之亦稱鹹水草細者

以作蓆肇慶府志

蕒有三稜可織席福寧州志

蕒水草也種之積泥可以成田方圓二種香山縣志

本草類集  
卷七十三



水蔥草

一名翠管  
丹鉛  
總錄




本草類集  
卷七十三

草屬  
水蔥草  
一



本草綱目卷之二十三



水蔥草

水蔥生水中及淺水中科苗彷彿類家蔥而極細長  
 稍頭結菁莢彷彿類蔥菁莢而小開豨白花其根類  
 蔥根皮色紫黑根苗俱味甘微鹹救飢採嫩苗連根  
 揀擇洗淨燂熟水浸淘淨油鹽調食明徐光啓  
農政全書  
 水蔥生水中如蔥而中空又名翠管王維詩水驚波  
 兮翠管靡是也此草可為席唐六典東牟郡貢蔥席  
 六領明楊升菴  
丹鉛總錄  
 水蔥形圓如箭稗可以為扇河間  
府志

本草綱目卷之二十三

草屬 水蔥草 二

庶物類纂

謹按別本河間府志云水蔥形長色碧可為扇

水蔥蒨出萊州登亦有之水蔥草也中虛似食葱而

長硬生水濱山東通志

庶物類纂草屬卷之七十四目次

澤瀉

薺草

龍舌草

睡草

庶物類纂

草屬目次

魚  
水  
類  
卷  
七  
四

澤瀉

一名蒨爾雅 一名藟同上 一名水瀉神農本草 一名芒芋同上 一名鵠瀉同上 一名及瀉名醫別錄 一名薺毛詩  
草木鳥獸 一名禹孫本草綱目 一名水薺菜農政全書  
魚疏

俗名柰柰禿越後州

魚  
水  
類  
卷  
七  
四

草屬 澤瀉 一

原  
才  
卷  
第  
一  
十  
四

澤瀉

滄藹爾雅○滄音

今澤藹爾雅註

滄一名藹即藥草澤瀉也本草作澤瀉一名水瀉一

名及瀉一名芒芋一名鵠瀉陶註云葉狹長叢生諸

淺水中宋邢昺

滄藹音俞昔澤瀉也宋鄭夾滌

澤瀉陶隱居云汝南郡屬豫州今近道亦有不堪用

惟用漢中南鄭青代形大而長尾間必有兩岐為好

無  
勿  
頌  
集  
卷  
七  
十  
四

草屬 澤瀉 二

此物易朽蠹常須密藏之葉狹長叢生諸淺水中仙經服食斷穀皆用之亦云身輕能步行水上唐本注云今汝南不復採用惟以涇州華州者為善也臣禹錫等謹按爾雅云蒹葭疏云蒹一名蒹即藥草澤瀉也嘉祐補註本草

澤瀉生汝南池澤今山東河陝江淮亦有之以漢中者為佳春生苗多在淺水中葉似牛舌獨莖而長秋時開白花作叢似穀精草五月六月八月採根陰乾今人秋末採暴乾用此物極易朽蠹常須密藏之漢

中出者形大而長尾間有兩岐最佳爾雅謂之蒹羊切

一名蒹與緝同私夕切

蒹今澤瀉也其葉如車前草大其味亦相似徐州廣

陵人食之唐陸機毛詩草木鳥獸蟲魚疏

蒹曰蒹曰蒹曰芒芋曰鵝瀉曰及瀉澤瀉也詩云言

采其蒹爾雅云蒹葭宋鄭夾滌昆蟲草木畧


謹按鄭夾滌以蒹為澤瀉至註爾雅蒹牛脣乃因郭氏云狀似麻黃亦謂之續斷其節拔可復續生沙阪蓋夾滌意以言采其蒹從陸疏為澤瀉爾雅

蕒牛脣別為一物也。此澤瀉牛脣俱有蕒與水蕒之二名而其物為異也。

澤瀉俗名水蒼菜一名水瀉一名及瀉一名芒芋一名鵝瀉生汝南池澤及齊州山東河陝江淮亦有漢中者為佳今水邊處處有之叢生苗葉其葉似牛舌草葉紋脉堅直葉叢中間攢葶對分莖又莖有線楞稍間開二瓣小白花結實小青細子味甘葉味微鹹俱無毒救飢採嫩葉燂熟水浸淘洗淨油鹽調食

光啓農政全書

澤瀉叢生淺水中葉似牛舌獨莖而長花白色八閩通志



薺草

一名薺榮

嘉祐補  
註本草



草屬


薺草

一

薺草

薺草唐本注云葉圓似澤瀉而小花青白亦堪噉所  
 在有之今按別本注云江南人用烝魚食之甚美五  
 月六月採莖葉暴乾唐本先附○嘉祐補注本草  
 薺草所在有之生水旁葉似澤瀉而小花青白色亦  
 堪烝啖江南人用烝魚食甚美時明李東壁草食物本草





龍舌草



草屬

龍舌草

一

龍舌草

龍舌草生南方池澤湖泊中葉如大葉菘菜及茱萸狀根生水底抽莖出水開白花根似胡蘿蔔根而香杵汁能炙鷲鴨卵方家用煮丹砂煨白礬制三黃明李

東璧本草綱目

龍舌草形如舌旁有刺液如油可以潤髮漳州府志

龍舌草草形如舌旁有刺液如油可以潤髮沈存中日採而煮可濯手終日有香海澄縣志

睡草

一名綽菜南方草木狀  
一名瞋菜同上  
一名醉草述異  
記 一名懶婦箴同上

俗名異計哥法烏山城州

睡草

睡菜按嵇含南方草木狀云綽菜夏生池沼間葉類  
 慈姑根如藕條南海人食之令人思睡呼為瞋菜段  
 公路北戶錄云睡菜五六月生田塘中土人采根為  
 鹽菹食之好睡郭憲洞冥記有却睡草食之令人不  
 睡與此相反也珍按苦菜龍葵皆能使人不睡却睡  
 之草其此類乎

明李東壁  
本草綱目

晉嵇含南  
方草木狀

桂林有睡草見之則令人睡一名醉草亦呼為懶婦  
箴又出海南地記梁任昉述異記

睡菜五六月生于田塘中葉類茨菰根如藕梢其性  
冷土人採根為鹽菹食之或云好睡郭子橫云五味

草初生味甘花時酢食之不使人睡亦名却睡草又  
神異經云四味木一名如之何其實如核形如棗子

長五寸金刀割則苦竹刀割則飴木刀割則酸蘆刀  
割則辛此說小類五味草也又御覽顧凱之啓蒙記曰如何隨刀而改味也

○唐段公  
路北戶錄

有睡草亦有却睡之草有醉草亦有醒醉之草有膏  
明之草亦有晝暗之草有夜合之草亦有夜舒之草  
物性相反有如此者明謝肇淛五雜俎

桂林有睡草見者令人睡握之久睡一名醉草亦名  
懶婦箴明朱國禎湧幢小品

庶物類纂草屬卷之七十五目次


蒨草

青蘋

水馬齒

水竹葉

苦草



蒟草

一名自然穀博物志 一名禹餘糧同上 一名黑三

稜農政全書

俗名和尼石已施養烏越前州

草屬

蒟草

薊草

海上有草焉名薊其實食之如大麥七月稔俗名曰

自然穀或曰禹餘糧晉張華博物志

薊草味甘平無毒主不飢輕身出東海洲島似大麥

秋熟一名禹餘糧非石之餘糧也唐陳藏器本草拾遺

薊草其實如毬子八月收之主補虛羸乏損溫腸胃

止嘔逆久食健入一名自然穀中國人未曾見也唐李

珣海藥本草

按方孝孺集有海米行蓋亦薊草之類也其詩云海




邊有草名海米大非蓬蒿小非薺婦女攜籃晝作羣  
采摘仍於海中洗歸來滌釜燒長枝煮米為飯充朝  
饑莫辭苦澀咽不下性命聊假須臾時明李東壁  
本草綱目  
黑三稜舊云河陝江淮荆襄間皆有之今鄭州賈峪  
山澗水邊亦有苗高三四尺葉似菖蒲葉而厚大背  
皆三稜劍脊葉中攢葶葶上結實攢為刺毬狀如楮  
桃樣而三顆瓣甚多其顆瓣形似草決明子而大生  
則青熟則紅黃色根狀如烏梅而頗大有鬚蔓延相  
連北京三稜體微輕治療竝同其葶味甜根味苦性

平無毒救飢採嫩葶剝去麤皮燥熟油鹽調食明徐  
光啓

農政  
全書

女麪小麪也繭糖絲糖也石蜜糖霜也自然穀元作  
麪非  
禹餘糧也俱見齊民要術明楊升  
菴外集




青蘋

俗名思結

草屬

青蘋

一




青蘋

令夫農羣萃而州處察其四時權節其用耒耜枷艾  
 及寒擊募除田以待時耕及耕澆耕而疾耨之以待  
 時雨時雨既至挾其槍刈耨耨以旦暮從事於田野  
 脫衣就功首戴茅蒲身衣襍襖露體塗足暴其髮膚  
 盡其四支之敏以從事於田野少而習焉其心安焉  
 不見異物而遷焉是故其父兄之教不肅而成其子  
 弟之學不勞而能夫是故農之子恆為農國語○韋氏曰脫解  
也茅蒲簦笠也襍襖蓑蓐衣也茅  
或作萌萌竹萌之皮所以為笠也

張揖曰青蘋似莎而大生江湖鴈所食前漢書司馬相如傳註  
招隱云青莎雜樹兮蘋草靡靡說文以為青蘋似莎  
者然則蘋與莎相似但以大小為異爾宋羅願爾雅翼  
香附苗似細蘭草青蘋似莎而大明方以智通雅

水馬齒

一名長命菜醫



水馬齒

水馬齒生水中與旱馬齒菜相類熟食  
明王鴻漸野菜譜

水馬齒一名長命菜一名薤菜生水中葉類旱馬齒

莧葉梗赤葉青花黃根白子黑味酸性寒無毒採莖

葉燻煮淘去酸味食  
明徐爾貞醫匯

謹按以水馬齒為薤菜非是



水竹葉




草屬 水竹葉 一




水竹葉

水竹葉如<sub>ニ</sub>竹葉而短小生<sub>ス</sub>水中亦云去<sub>レ</sub>虱<sub>ヲ</sub>人取<sub>テ</sub>水竹葉生食<sub>ス</sub>之唐陳藏器本草拾遺

草屬 水竹葉 二



苦草



草屬 苦草



苦草

苦草生湖澤中長二三尺狀如茅蒲之類

明李東璧本草綱目

吳中習俗相傳產婦惡血不盡單服苦草一味以為

聖藥殊不知白芍藥丹溪禁用以其酸寒恐伐生氣

故耳況苦草之至寒者乎有信服者他日必生心服

之疾或白帶血崩漏下之證經年不痊殘賊元氣竟

不知遺害於後也初產之婦氣血俱虛大宜溫熱之


劑豈可輕用寒涼重伐其發生之氣也經曰無伐化

無違時必養必和待其來復此之謂也余嘗考諸本

草及諸方書皆不載不知吾吳中始于何人而傳襲之誤如此莫之能革產家切宜知此續明俞弁醫說

苦草細長如帶儼似海帶之狀鄉人絞取飼豬能治婦人白帶並嗜食乾茶葉而面黃無力者末之和炒

脂麻不時乾嚼大佳清何鎮本草綱目類纂必讀



Vertical text or markings on the right edge of the page, likely a library stamp or label, which is mostly illegible.

